

Naqqiut
Saqqummiussissut aggutsip 12-at 2016-meersoq taarserpaa

(Siunnersuutigineqartumi § 45 erseqqissarneqarpoq, paasiuminartikkumallugu aatsitassanik katersuinermi ukiumut 100.000 kr.-nit sinnerlugit naleqartunik pissarsiarineqarsimappata inuussutissarsiutigalugu katersuinertut isigineqartalissammata. Inatsisinut nassuaatit allanngortinnejarnik Inatsisartut inatsisaat nr. xx, yy 2016-imeersoq
(Aningaasaqarnermut Aatsitassanullu Naalakkersuisoq)

**Uunga siunnersuut: Aatsitassat pillugit ingerlatallu tamatumunnga pingaarutillit
pillugit inatsisartut inatsisaata (aatsitassanut ikummatissanullu inatsit)
allanngortinnejarnik Inatsisartut inatsisaat nr. xx, yy 2016-imeersoq**
(Aningaasaqarnermut Aatsitassanullu Naalakkersuisoq)

Saqqummiussissut

(Aningaasaqarnermut Aatsitassanullu Naalakkersuisoq)

Siullermeerneqarnera

Naalakkersuisut sinnerlugit matumuuna aatsitassanut ikummatissanullu inatsisip allanngortinnejarnissaanut siunnersuut saqqummiuppara.

Siunnersuummi annikitsumik aatsitassarsiornermut maleruagassat pitsangorsarneqarnissaat Naalakkersuisut kissaatigaat. Ilaatigut annikitsumik aatsitassarsiornissamut pisinnaatitsissummik pigisaqartut ikorsiiniutinik sunik atuisinnaanersut ersarinnerulersillugu tamanna pissaaq. Tamatuma saniatigut annikitsumik aatsitassarsiornermit nalinginnaasumik aatsitassarsiorfimmik ingerlataqalernermut ikaarsaartarneq siunnersuummi erseqqissarneqarpoq. Aammattaaq aaqqissuussamik siunnersuummi ilaatigut atuutsitsisoqalerpoq, taanna malillugu kisermaassisussaatitaalluni pisinnaatitsissummik pigisaqartoq akuersisimappat, annikitsumik aatsitassarsiornissamut akuersissut, sumiiffimi pisinnaatitsissummik pigisaqartup allap kisermaassisussaatitaaffigisaani tunniunneqarsinnaalissalluni. Taamaalilluni nunatsinni nunaminertamik pisuussutinillu pitsaunerusumik atorluaasinnaalissaagut.

Siunnersuutip tassunga tunngasortaa annikitsumik aatsitassarsiorneq pillugu suliaqlarluni ataatsimiisitsinerup 2015-imi novembarimi Naalakkersuisunit ingerlanneqartup, malitsigaa. Annikitsumik aatsitassarsiornissamut pisinnaatitsissummik pigisaqartut tamarmik suliaqlarluni ataatsimiisitsinermut qaaqquneqarput, aammalu aatsitassanut ikummatissanullu inatsisip allanngortinnejarnissaanut siunnersuutinik arlalinnik saqqummertoqarpoq. Naalakkersuisut siunnersuutit tiguaat aammalu ajornartinnagu inatsisissatut siunnersuummut ilanngunniarsaralugit.

Siunnersuummi innuttaasut nunaqvissut aatsitassanik katersinissamut annissinissamullu perarfissaqarnerat pitsangorsarneqarpoq. Aatsitassanut ikummatissanullu inatsimmi atuuttumi innuttaasut nunaqvissut sumiiffimi aatsitassarsiorluni misissuinissamut

piiaanissamullu akuersissummi pineqartunut ilaasumi aatsitassanik katerseqquaanngillat. Sumiiffik ingerlatseqatigiiffiup nunanit allaneersup aatsitassarsiorluni misissuinissamut akuersissutaataani pineqartunut ilaatinneqaraluartoq, nunaqavissut pinngortitami ujaqqanik katersisinnaalernera, siunnersuutip ilaatigut malitsigissavaa.

Siunnersuutip atuutilernerani ”aatsitassanik akisuunik” taaneqartartunik katersinissamut inerteqquqteqarneq atorunnaarsinneqarpoq. Siunnersuutip tassunga tunngasortaa Inatsisartut aalajangiiffigisassaannut siunnersuutip, upernaaq immikkoortoq 39-isut Inatsisartuni maani akuerineqartup, imarisaannut naapertuuppoq. Upernaaq atorunnaarsitsinissaq pillugu oqallinnermi Inatsisartut aalajangiiffigisassaattut siunnersuut amerlanerussuteqartunit taperserneqarpoq. Nuannaarutigaara inatsisissatut siunnersummik, partiit akimorlugit atituumik tapersorsorneqareersumik, maannakkut Naalakkersuisut sinnerlugit saqqummiussisinnaagama.

Tamatuma saniatigut pisinnaatitsisummi pigisaqartut pilersuisorisamik ilaalu ilanngullugit akileraarutinik akiliinissaasa qulakkeernissaanut pisussaaffeqarneq siunnersummii atuutsinneqalerpoq. Tamanna piiaanissamut akuersissutini nutaanerusuni atugassarititaasutut nalinginnaasutut atuutsinneqareerpoq. Siunnersummik pisussaaffik taanna inatsimmi atuutsinneqalerpoq.

Naggataatigut inatsisissatut siunnersuut aamma nassuiaatit tassunga atasut innersuussutigissavakka.

Tamatut oqaaseqarlunga Naalakkersuisut sinnerlugit siunnersuut Inatsisartuni suliarineqartussanngortippa.